



**O'ZBEKISTON RESPUBLIKASI DAVLAT AKTIVLARINI  
BOSHQARISH AGENTLIGINING  
YAGONA AKSIYADOR (ISHTIROKCHI) QARORI**

---

2023 yil "19" dekabr

200/09-3-qr - sonli

Toshkent sh.

**"Angren logistika markazi" AJning 2023-yil uchun moliyaviy-xo'jalik faoliyatini auditdan o'tkazish va korrupsiyaga qarshi ichki nazorat tuzilmalari (komplaens) faoliyatini joriy etish to'g'risida**

O'zbekiston Respublikasining "Aksiyadorlik jamiyatlari va aksiyadorlarning huquqlarini himoya qilish to'g'risida"gi Qonunining 58-moddasi, "Angren logistika markazi" AJ kuzatuv kengashi majlisining 2023-yil 28-noyabrdagi qarori hamda "Angren logistika markazi" AJning 2023-yil 29-noyabrdagi LC/540-son murojaatiga asosan Davlat aktivlarini boshqarish agentligi **qaror qiladi**:

**1. Quyidagilar:**

"Angren logistika markazi" AJ (keyingi o'rnlarda – jamiyat) tomonidan **2023-yil 1-noyabr kuni XT-Xarid elektron savdo platformasi orqali** 2023-yildagi moliyaviy-xo'jalik faoliyatini Xalqaro moliyaviy hisobot standartlariga muvofiq majburiy auditdan o'tkazish uchun boshlang'ich shartnomalarining summasi **25 mln so'm** belgilanib, tanlov e'lon qilinganligi;

tanlovda "**TTT-Audit**" MChJ **21 mln so'm** va "**Tax and finance internasional**" MChJ **25 mln so'mlik** takliflari kelib tushganligi;

Davlat aktivlarini boshqarish agentligining 2023-yil 1-dekabrdagi 02/09-3-17/730-son xati bilan davlat ishtirokidagi korxonalarda O'zbekiston Respublikasi Prezidentining 2021-yil 6-iyuldagagi "Korrupsiyaga qarshi kurashish faoliyatini samarali tashkil etishga doir qo'shimcha chora-tadbirlar to'g'risida"gi PQ – 5177-son qarori va 2022-yil 8-apreldagi PF – 101-son Farmoni ijrosini ta'minlash maqsadida **mavjud shtat birliklari doirasida korrupsiyaga qarshi ichki nazorat tuzilmalari (komplaens)** faoliyatini yo'lga qo'yish so'ralganligi ma'lumot uchun qabul qilinsin.

**2. "Aksiyadorlik jamiyatlari va aksiyadorlarning huquqlarini himoya qilish to'g'risida"gi O'zbekiston Respublikasi Qonunining 59-moddasiga asosan aksiyadorlar umumiy yig'ilishining vakolat doirasiga majburiy auditorlik tekshiruvini o'tkazish uchun **auditorlik tashkilotini belgilash**, ushbu tashkilotning xizmatlariga to'lanadigan eng ko'p haq miqdori va u bilan shartnomalarining tuzish (shartnomani bekor qilish) to'g'risida qaror qabul qilish masalasi kiritilgan.**

Shunga ko‘ra, Jamiatning 2023-yil uchun moliyaviy-xo‘jalik faoliyatini Xalqaro moliyaviy hisobot standartlariga muvofiq majburiy auditdan o‘tkazish uchun “TTT-Audit” MChJ auditorlik tashkiloti tanlansin va uning xizmati haqqi **21 mln so‘m** etib belgilansin.

**3.** “Aksiyadorlik jamiatlari va aksiyadorlarning huquqlarini himoya qilish to‘g‘risida”gi O‘zbekiston Respublikasi Qonunining 59-moddasiga asosan **aksiyadorlar umumiy yig‘ilishining vakolat doirasiga jamiyatning tashkiliy tuzilmasini tasdiqlash** masalasi kiritilgan.

Shunga ko‘ra, jamiatning **tashkiliy tuzilmasida komplaens xizmatini tashkil etilishini nazarda tutgan holda yangi tahrirdagi tashkiliy tuzilmasi tasdiqlansin.**


**4.** Jamiat bosh direktori B. Abduraimovga:

jamiatning 2023-yil uchun moliyaviy-xo‘jalik faoliyatini auditdan o‘tkazish uchun “TTT-Audit” MChJ auditorlik tashkiloti bilan shartnoma imzolanishini;

jamiatning yangi tahrirdagi tashkiliy tuzilmasi joriy etish bo‘yicha tegishli ishlarni amalga oshirilishini ta’minlasin.

**5.** Mazkur qaror ijrosini nazorat qilish Davlat aktivlarini boshqarish agentligi direktorining birinchi o‘rinbosari N. Xusanov zimmasiga yuklatilsin.

Direktor



A. Ortikov